

|      |                           |
|------|---------------------------|
| 書名   | 春秋左傳註疏六十卷                 |
| 撰者   | 晉 杜預 注, 唐 陸德明 音義, 唐 孔穎達 疏 |
| 卷    | 卷十七                       |
| 內容分類 | 經-春秋-春秋左傳-唐               |
| 索書號  | 經部-彙刻-1                   |
| 編號   | A 297500                  |

卷十七

彩色首頁1

東洋文化研究所漢籍目錄 編號: A 297500

東洋文化研究所漢籍目錄所藏漢籍善本全文影像資料庫 索書號: 經部-彙刻-1

漢籍善本全文影像資料庫文本春秋左傳註疏六十卷

版權所有：東京大學 東洋文化研究所

### 使用上的注意事項

春秋左傳註疏卷第一

晉杜氏註

唐孔穎達疏

春秋序

○陸曰此元凱所作旣以釋經故依例音之本或題爲春秋左傳序者沈文何以爲

釋例序正義曰此序題目文多不同或云春  
今不用說秋序或云左氏傳序或云春秋經傳  
集解序或云春秋左氏傳序按晉宋古本及今  
定本並云春秋左氏傳序今依用之南人多云  
此本釋例序後人移之於此且有題曰春秋釋  
例序置之釋例之端今所不用晉太尉劉寔與  
杜同時人也宋大學博士賀道養去杜亦近俱  
爲此序作註題並不言釋例序明非釋例序也  
又晉宋古本序在集解之端徐邈以晉世言五  
經音訓爲此序作音且此序稱分年相附隨而

春秋左傳註疏卷第十六

終

春秋左傳註疏卷第十七

僖二十九年  
盡三十三年

晉杜氏註

唐孔穎達疏

經二十有九年春介葛盧來註介東夷國也在城陽黔

陬縣葛盧介君名也不稱朝不見公且不能行朝禮

雖不見公國賓禮之故書○介音界國各黔巨廉反又音琴陬子侯反又側留

反

公至自圍許註無傳

夏六月會王人晉人宋人齊人陳人蔡人秦人盟于翟

**泉**

翟泉今洛陽城內大倉西南池水也魯侯諱盟

天子大夫諸侯大夫又違禮盟公侯王子虎違禮下

盟故不言公會又皆稱人

○翟直歷反大倉音泰

**昭**稱人。正

義曰傳曰卿不書罪之也在禮卿不會公侯唯言諸

侯之卿會魯君罪耳不言罪魯侯與子虎知其亦有

罪者襄二十六年公會晉人鄭良霄宋人曹人于澶

淵彼為趙武敵公貶之稱人而文不沒公此沒公不

書明公別有罪五年公及齊侯宋公云云會王世子

于首止王世子不盟也九年公會宰周公云云于葵

丘宰周公不盟也往年踐土之會王子虎盟諸侯于

王庭宣七年黑壤之會王叔桓公臨之王之公卿皆

不與諸侯共盟則知諸侯不合盟王臣王臣不合與

於盟今王子虎亦貶稱人知魯侯諱盟天子大夫故

沒公不書也王子虎

違禮下盟故貶稱人

**秋大雨雹**

○雨于付反傳同雹蒲學反

**冬介葛盧來**

傳二十九年春介葛盧來朝舍于昌衍之上

東南有昌平城

○衍以善反

公在會饋之芻米禮也

公行不當致饋故曰禮也

○饋其媿反芻初俱反

**昭**饋之芻米

周禮掌客天子待諸侯之禮上公饗餼九牢饗五牢

餼四牢車乘視死牢車十車則禾五十車車米視生

牢牢十車則米四十車侯伯饗餼七牢禾四十車米

三十車子男饗餼五牢禾三十車米二十車芻薪皆

倍禾也聘禮卿饗餼五牢禾米與子男同其附庸執

帛與公之孤同則饗餼亦五牢禾三十車米二十車

芻薪倍禾則此饋之芻

米芻六十車米二十車

**夏公會王子虎晉狐偃宋**

公孫固齊國歸父陳轅濤塗秦小子憖盟于翟泉尋

踐土之盟且謀伐鄭也經書蔡人而傳無名氏即

微者秦小子憖在蔡下者若宋向戌之後會○轅音

桃憖魚覲反且謀伐鄭○正義曰晉侯受命鄭伯

向式亮反傳王踐土與溫二會咸在鄭無叛晉

之狀而此會謀伐鄭者文公昔嘗過鄭鄭不禮焉城

濮戰前鄭復如楚雖以楚敗之後畏威來會晉侯以

大義受之內實懷恨此會鄭人不至必有背晉之心

故謀伐之也晉語城濮戰下稱文公誅觀狀以伐鄭

及其陴鄭人以名寶行成公不許得叔詹將亨而舍


之左傳無伐鄭之事蓋溫會以後已嘗伐鄭鄭至今

未服故此會謀伐明年遂與秦圍之傳曰且貳於楚

也楚鄭自知負晉故有二心也經書至後會○

正義曰經若貶卿稱人傳則言其名氏若傳無名氏

則本是微人此經言蔡人而傳無名氏此是實蔡之



微者秦是大國小子憖名見於傳而在蔡微者之後

若宋向戌之後會也襄二十六年公會晉人鄭良霄

宋人曹人于澶淵傳曰趙武不書尊公也向戌不書

後也鄭先宋不失所也宋是大國常在鄭先向戌既

以會公貶又以後至退其班使在鄭下此小子憖既

以會公貶又退之在蔡下若彼宋向戌之後會也然

向戌後會傳為發之經書良霄以駁向戌之後今小

子憖既是後會傳不為發又不書蔡人之名以駁之

者但秦辟陋西戎未同中國蔡人又蔡之微者不合

書名故傳不發之經不貶責也公孫固序在齊上者

蓋為大司馬尊於歸父歸父雖執齊政不廢身非上

卿如管仲之類猶文十七年陳公孫寧襄二十七年

陳孔魚皆序在衛下杜卿不書罪之也晉侯始霸

云非上卿即此類也翼戴天子諸侯輯睦王室無虞而王子虎下盟列國

夫諱公與盟○輯音集又七入反瀆徒木在禮卿不

會公侯會伯子男可也○大國之卿當小國之君故

可以會伯子男諸卿之見貶亦兼有此闕故傳重發

之○重直用反○疏傳○大國至發之○正義曰昭二十三年

謂諸卿既上盟天子大夫又上敵公侯故云兼案杜

上註經云諸侯大夫違禮盟公侯又註傳云諸侯大

夫上敵公侯則是唯責諸侯大夫上敵公侯不責上

盟天子之使而言兼有此闕者以魯君上盟天子之

使已諱而不書則諸侯之臣罪在可悉故傳云卿不

書罪之畧言其事故杜經傳二註唯言敵公侯不云

盟王使以其可知故也劉炫以為直責其敵公侯不

責其盟王使以規杜氏必如劉義則是君盟王使乃

為有罪臣盟王使辭無貶責便是君臣易位尊卑失

序聖人垂訓○秋大雨雹為災也○冬介葛盧來以

未見公故復來朝禮之加燕好○燕燕禮也好好貨

也一歲再來故加之○復扶又反好呼報反下同介葛盧聞牛鳴

曰是生三犧皆用之矣其音云問之而信○傳言人

聽或通鳥獸之情○犧許宜反○疏傳言至之情○正義

貉隸掌與獸言鄭司農云夷狄之人或曉鳥獸之言

鄭玄云夷隸征東夷所獲貉隸征東北夷所獲然則

介葛盧是東夷之國其土俗有知者故介葛盧曉之

經三十年春王正月

夏狄侵齊

春秋左傳

卷之七

禮記

秋衛殺其大夫元咺及公子瑕咺見殺稱名者訟君

求直又先歸立公子瑕非國人所與罪之也瑕立經

年未會諸侯故不稱君咺既稱名故知以訟君立

瑕為咺之罪狀春秋之世諸侯雖篡弑而立已列於

會雖復見弑即成為君齊商人蔡侯班之屬是也瑕

立雖已經年未會諸侯故不稱君既不成君即與元

咺同為國討之辭元咺先死故稱及也瑕若成君當

據周敵治厘為文衛侯鄭歸于衛魯為之請故從

書曰衛弑其君瑕諸侯納之例例在成十八年為于偽反

晉人秦人圍鄭晉軍函陵秦軍汜南各使微者圍鄭

故稱人函音咸汜音几傳同

介人侵蕭無傳

冬天王使宰周公來聘周公天子三公兼冢宰也

如字又經念反公子遂如京師遂如晉如京師報宰周公

傳三十年春晉人侵鄭以觀其可攻與否狄間晉之

有鄭虞也間間夏狄侵齊齊晉與國○晉侯使

醫衍酖衛侯衍醫名晉侯實怨衛侯欲殺而罪不

及死故使醫因治疾而加酖毒酖以善

正義曰周禮大司馬以九伐之法正邦國賊殺其

親則正之鄭玄云正之者執而治其罪王霸記曰正

殺之也春秋僖二十八年晉人執衛侯歸之于京師

死者衛侯之心疑叔武耳前驅歆犬卜君意而殺之  
非衛侯命殺也公知其無罪枕股而哭又命殺歆犬  
是則殺非公意也故不至死若然則是衛侯無罪而  
往年衛侯與元咺訟衛侯不勝殺士榮則鍼莊子者  
用讒疑賢弟偷盟先期入是衛侯之罪也罪不合死  
而晉侯心怨欲得殺之故使醫因治疾而加酖毒若  
不治疾不得使醫故知因治疾也魯語云晉人執衛  
成公歸之于周使醫酖之不死醫亦不誅臧文仲言  
於僖公曰夫衛君殆無罪矣今晉侯酖衛侯而不死  
亦不計其使者諱而惡殺之也是罪不合死之事也  
甯俞貨醫使薄其酖不死注甯俞視衛侯衣食故得  
知之公爲之請納玉於王與晉侯皆十穀王許之注  
雙玉曰穀公本與衛同好故爲之請注公爲于僞反  
呼報反秋乃釋衛侯○衛侯使賂周歆治厘曰苟能納

我吾使爾爲卿注

恐元咺距已故賂周治

○歆市專反治音也

厘音覲又音謹人名也漢書音義云音覲字也鄭氏音勤

周治殺元咺及子適子

儀注

子儀瑕母弟不書殺賤也

○適丁歷反

公入祀先君

周治既服將命注

服卿服將入廟受命

注服卿至受命○正

義曰言祀先君而服將命知其將入廟也必入廟者祭統云古者明君爵有德而祿有功必賜爵祿於大廟示不敢專也命臣必在廟而王制云爵人於朝者朝上詢於衆人位定然後入廟受命今世受官猶然

周歆先入及門遇疾而死治厘辭卿注

見周歆死而

懼○九月甲午晉侯秦伯圍鄭以其無禮於晉注文

公亡過鄭鄭不禮之

○過古禾反

且貳於楚也晉軍函陵

秦軍汜南

此東汜也在滎陽中牟縣

○正義曰此東汜

劉炫云二十四年王出適鄭處於汜註云鄭南汜也釋例土地名僖三十四年汜下云此南汜也周王出居于汜楚成鄭師于汜襄城縣南汜城是也此年汜下云此東汜也秦軍汜南晉伐鄭師于汜滎陽中牟縣南汜澤是也杜考校既精當

國危矣若使燭之武見秦君師必退

佚之狐燭之

武皆鄭大夫

○佚音逆

公從之辭曰臣之壯也猶不如人

今老矣無能為也已公曰吾不能早用子今急而求

子是寡人之過也然鄭亡子亦有不利焉許之夜縋

而出

縋縣城而下

○縋文偽反縣音玄

見秦伯曰秦晉圍鄭

鄭既知亡矣若亡鄭而有益於君敢以煩執事

事亦謂秦越國以鄙遠君知其難也

設得鄭以為

秦邊邑則越晉而難保焉用亡鄭以倍鄰

○焉於虔反下焉取之同倍蒲同反鄰之厚君之薄也若舍鄭以為東

道主行李之往來共其乏困

行李使人○舍音捨又如字共

音恭本亦作

○正義曰襄八年傳云供使所吏反

一介行李杜云行李行人也昭十三

年傳云行理之命杜云行理使人李理字異為註則同都不解理字周語行理以節逆之賈逵云理吏也

小行人也孔晁註國語其本亦作李字註云行李行人之官也然則兩字通用本多作理順之為吏故為

行人使君亦無所害且君嘗為晉君賜矣許君焦瑕

朝濟而夕設版焉君之所知也晉君謂惠公也焦

瑕晉河外五城之二邑朝濟河而夕設版築以距秦

言背秦之速朝如字註同夫晉何厭之有既東封

鄭又欲肆其西封封疆也肆申也若

不闕秦將焉取之不闕秦焉取之正義曰沈云

取秦先謀取鄭言滅秦以將利晉益大疆土闕秦以利晉唯君圖之秦伯

說與鄭人盟使杞子逢孫楊孫戍之乃還三子秦

大夫反為鄭守說音悅子犯請擊之公曰不可微

夫人之力不及此請擊秦也夫人謂秦穆公

同註因人之力而敝之不仁失其所與不知以亂易整

不武秦晉和整而還相攻更為亂也吾其還

也亦去之○初鄭公子蘭出奔晉蘭鄭穆公從於

晉侯伐鄭請無與圍鄭許之使待命于東晉東界

音與鄭石甲父侯宣多逆以為大子以求成于晉晉

人許之二子鄭大夫言穆公所以立○冬王使周

公閱來聘饗有昌歠白黑形鹽昌歠昌蒲菹白熬


稻黑熬黍形鹽鹽形象虎閭音悅歠在感反菹

昌歠至象虎正義曰昌歠饗之所設必是籩豆

昌本昌蒲根切之四寸為菹彼昌本可以為菹知此昌歎卽是昌蒲菹也齊有郕歌魯有公甫歌其音為觸說文云歎盛氣怒也從欠蜀聲此昌歎之音相傳為在感反不知其字與彼為同為異徧檢書傳昌蒲之草無此別名未知其所由也此云白黑下云嘉穀穀之白黑唯稻黍為然下云鹽虎形知其形象虎也

**辭曰國君文足昭也武可畏也則有備物之饗以象其德薦五味羞嘉穀鹽虎形**嘉穀熬稻黍也以象其文也鹽虎形以象武也以獻其功吾何以堪之

辭曰至堪之。正義曰周禮掌客王巡守百官從者所過之國共其積膳三公眡上公之禮卿眡侯伯之禮大夫眡子男之禮宰周公是天子三公其主國待之當尊於國君但周公自謙不敢當此國君耳既云備物之饗以象其德及說備物之下卽云以獻其功功德互見之耳獻其功者獻謂呈見旌表之也備設



以象德薦獻以見功故象獻分配為文 ○東門襄仲將聘于周遂初聘

**于晉**公既命襄仲聘周末行故曰將又命自周聘

晉故曰遂自入春秋魯始聘晉故曰初公既至

義曰經書實行之事傳說將命之初故云命之將聘于周末行又命之遂聘于晉令其從周卽去更不迴也賈服不曉傳意解為先聘晉後聘周故杜詳說之

**經三十有一年春取濟西田**晉分曹田以賜魯故不

繫曹不用師徒故曰取晉分至曰取。正義曰濟西之田實是曹地晉文

分以賜魯故不繫於曹不繫晉者晉本意賜諸侯不為已有故亦不繫晉也昭四年傳例曰凡克邑不用而徒曰取取田取邑義亦同也

公子遂如晉


夏四月卜郊不從乃免牲

**注**龜曰卜不從不吉也卜

郊不吉故免牲免猶縱也

**疏**龜曰至縱也。正義曰龜曰卜曲禮文也洪

範稽疑云龜從筮從謂從人之心也人心欲吉不從是不吉也卜郊不吉不復為郊牲無所用故免牲免猶縱放不殺之也穀梁傳曰免牲者為之緇衣纁裳有司玄端奉送至于南郊免牛亦然左傳無說其事或然也桓五年傳例曰凡祀啓蟄而郊啓蟄周之三月也今於夏四月卜郊者傳舉節氣有前有却但使春分未過仍得為郊故四月得卜郊也故釋例曰凡十二月而節氣有二十四共通三百六十六日分為四時間之以閏月故節不必得恒在其月初而中氣亦不得恒在其月之半是以傳舉天宿氣節為文而不以月為正僖公襄公夏四月卜郊但譏其非所宜卜而不譏其四月不可郊也孟獻子曰啓蟄而郊郊



而後耕耕謂春分也言得啓蟄當卜郊不得過春分耳是言四月得郊也周禮太宰職云祀五帝前期十日帥執事而卜日然則將祭必十日之前豫卜之也言四卜郊者蓋三月每旬一卜至四月上旬更一卜乃成為四卜也此言四卜郊不從襄七年三卜郊不從公羊傳曰曷為或言三卜或言四卜三卜禮也四卜非禮也三卜何以禮求吉之道三今左傳以為禮不卜常祀則一卜亦非不云四非而三是異於公羊

**說猶三望**

**注**三望分野之星國中山川皆郊祀望而

祭之魯廢郊天而修其小祀故曰猶猶者可止之辭

○分扶**疏**三望至之辭。正義曰公羊傳曰三望問反**疏**者何望祭也然則曷祭祭泰山河海鄭玄

以為望者祭山川之名諸侯之祭山川在其地則祭之非其地則不祭且魯竟不及於河禹貢海岱及淮惟徐州徐即魯地三望謂淮海岱也賈逵服虔以為三望分野之星國之山川今杜亦從之以襄九年傳

日陶唐氏之火正閼伯居商丘祀大火相土因之故  
商主大火昭元年傳云辰爲商星參爲晉星楚語云  
天子徧祀羣神品物諸侯二王後祀天地三辰及其  
土地之山川註國語者皆云諸侯二王後祀天地三  
辰日月星也非二王後祀分野星辰山川也以此知  
三壘分野之星國內山川其義是也昭七年夏四月  
甲辰朔日有食之於時夏之二月日在降婁傳稱去  
衛地如魯地於十二次豕韋衛地降婁魯地魯祭分  
野之星其祭奎婁之神也此三壘者因郊祭天而望  
祭之於法不獨祭也魯既廢郊天而獨修小祀故曰  
猶公羊穀梁皆云  
猶者可止之辭

秋七月

冬杞伯姬來求婦

無傳自爲其子成昏

爲子

僞反

狄圍衛十有二月衛遷于帝丘

辟狄難也

帝丘今東

郡濮陽縣故帝顓頊之虛故曰帝丘  
虛起  
魚反  
丘故帝顓頊之虛故曰帝丘昆吾氏因  
之故曰昆吾之虛東郡濮陽縣是也

傳三十一年春取濟西田分曹地也

二十八

年晉

文討曹分其地竟界未定至是乃以賜諸侯

音境使

臧文仲往宿於重館

高平方與縣西北有重鄉城

○重直龍反註同  
方音房與音預

重館人告曰晉新得諸侯必親其

共不速行將無及也從之分曹地自洮以南東傳于

濟盡曹地也

文仲不書請田而已非聘享會同也

濟水自滎陽東過魯之西至樂安入海。○洮吐刃反。傳音附盡津。

忍反樂。○重館至曹地也。○正義曰魯語說此事云。請曰地之多重館人之力也。臣聞之曰善有章雖賤賞也。今一言而辟竟其章大矣。請賞之乃出而爵之。

襄仲如晉拜曹田也。○夏四月四卜郊不從乃免牲。

非禮也。○諸侯不得郊天魯以周公故得用天子禮。

樂故郊為魯常祀。○諸侯至常祀。○正義曰明堂位以治天下制禮作樂七年致政於成王成王以周公為有勲勞於天下命魯公世世祀周公以天子之禮樂是以魯君孟春乘大輅載弧韜旂十有二旒日月之章祀帝于郊配以稷天子之禮也是魯以周公之故得用天子禮樂天子命之則為常祀故郊為魯之常祀也。記言正月謂周正建子之月與傳啓蟄。

而郊其月不同禮記是後。○猶三望亦非禮也。禮不卜。

常祀。○必其時而卜其牲日。○卜牲與日知吉凶牛。

卜日曰牲。○既得吉日則牛改名曰牲。○既得至。

義曰卜云卜其牲日則牲之與日俱卜之也。必當先卜牲而後卜日。卜得吉日則改牛為牲。然則牛雖卜吉未得稱牲。牲是成用之名。不吉日不為牲。更卜吉凶明知卜牛在卜日之前也。此言免牲是已得吉日。牲既成矣。成七年乃免牛。牲成而卜郊上怠慢也。○

怠於古典漫瀆龜策望郊之細也不郊亦無望可也。

○秋晉蒐于清原作五軍以禦狄。○二十八年晉作。

三行今罷之更為上下新軍河東聞喜縣北有清原。

春秋左傳

卷之十七

禮記

郊特牲

卷之十七

禮記

郊特牲

○行戶 趙衰為卿 二十七年命趙衰為卿讓於樂

枝今始從原大夫為新軍帥○帥所類反 趙衰為卿○正義曰晉語

云文公命趙衰為卿讓於樂枝先軫後又使為卿讓於狐偃狐毛卒又使為卿讓於先且居公曰趙衰三

讓其所讓皆社稷之衛也廢讓是廢德也以趙衰故蒐于清原作五軍使趙衰將新上軍箕鄭佐之胥嬰

將下軍先都佐之如彼文正謂趙衰作五軍故特言趙衰為卿以見之於時舊三軍之將佐先軫將中軍

卻縠佐之先且居將上軍狐偃佐之樂 ○冬狄圍衛

衛遷于帝丘卜曰三百年○案史記衛世家及年表

衛從此年以後歷十九君積四百二十年衛元君乃徙于野王元君卒子角代立秦滅衛廢角為庶人

衛成公夢康叔曰相奪子享○相夏后啓之孫居帝

丘享祭也○上曰音越或人實反非也相息

祭也○正義曰夏本紀禹生啓啓生太康及仲康仲康生相是為啓之孫也周禮祭人鬼曰享 公命

祀相甯武子不可曰鬼神非其族類不歆其祀○歆

猶饗也○歆許金反 杞鄫何事○言杞鄫夏後自當祀相

相之不享於此久矣非衛之罪也○言帝丘久不祀

相非衛所滅不可以間成王周公之命祀○諸侯受

命各有常祀○問問廁之間 請改祀命○改祀相之命

祀相之命○正義曰昭七年傳稱晉居夏虛祀鯀而晉侯疾瘳此衛居帝丘而不合祀相者祭法云鯀障

洪水而殛死載在祀典傳稱實為夏郊三代祀之周室既衰晉為盟主當代天子祭絕祀之神故祭鯀為

得禮相無功德於民惟當子孫自祭故稱杞鄫何事非衛之罪與鄭洩駕惡公

子瑕鄭伯亦惡之故公子瑕出奔楚瑕文公子傳

為納瑕張本洩駕亦鄭大夫隱五年洩駕距此九十

年疑非一人○惡鳥路反下同

經三十有二年春王正月

夏四月己丑鄭伯捷卒無傳文公也三同盟○捷在妾反


疏文公也三同盟○正義曰經無其葬故言其諡也捷以莊二十二年即位至此與魯十餘同盟言

三同盟者但杜數同盟不例若同盟少者數先君之

盟或數大夫之盟或數經不書盟而傳載盟者若同

盟多者唯數今君或就今君之中數其大會盟之顯

著者此言三同盟者皆據王臣臨盟則八年盟于洮



九年于葵丘二十八年于踐土是也劉炫不尋杜意而規其謬非也

衛人侵狄報前年狄圍衛

秋衛人及狄盟不地者就狄廬帳盟○廬力於反帳張亮反

疏不地至帳盟○正義曰會狄于攢函言地今不言地故云就廬帳盟廬帳即是狄人所居之處上云衛

人侵狄及狄盟猶若公如晉及晉侯盟是指其所居

之處故不言地劉炫云春秋時戎狄錯居中國此狄

無國都處所直云及狄盟盟於狄之處也此狄俗逐水草無城郭宮室故云就廬帳盟

冬十有二月己卯晉侯重耳卒同盟踐土翟泉

傳三十二年春楚鬬章請平于晉晉陽處父報之晉

楚始通陽處父晉大夫晉楚自春秋以來始交使

命為和同

○使所吏反

○夏狄有亂衛人侵狄狄請平焉

○秋衛人及狄盟○冬晉文公卒庚辰將殯于曲沃

**注**殯窆棺也曲沃有舊宮焉

○窆彼驗反一本作塗

**注**殯窆

○正義曰周禮鄉師職云大喪及葬與匠師御柩及窆執斧以蒞匠師昭十二年傳曰月中而塋禮記皆作封封塋窆聲相近而字改易耳皆謂葬時下棺之名也殯則攢置於西序亦是下棺於地故殯為窆棺也晉武公自曲沃而兼晉國曲沃有舊時宮廟故公卒而往殯焉禮諸侯五日而殯案經文以已卯卒庚辰是卒之明日即將殯者以曲沃路遠故早行耳禮在牀曰尸在棺曰柩下云柩有聲明是斂於棺而後行  
出絳柩有聲如牛**注**如牛响聲○柩其救反禮云在牀曰尸在棺曰柩响呼  
卜偃使大夫拜曰君命大事將有西師過軼

我擊之必大捷焉**注**

聲自柩出故曰君命大事戎事

也卜偃聞秦密謀故因柩聲以正眾心

○過古禾反又古臥反軼

直結反又音逸

杞子自鄭使告于秦**注**

三十年秦使大夫杞

子戌鄭曰鄭人使我掌其北門之管**注**

管籥也○籥餘若

反若潛師以來國可得也穆公訪諸蹇叔蹇叔曰勞

師以襲遠非所聞也**注**

蹇叔秦大夫

○蹇紀輦反

師勞力

竭遠主備之無乃不可乎師知所為鄭必知之勤而

無所必有悖心**注**

將害良善

○悖必內反

且行千里其誰

不知公辭焉**注**

辭不受其言召孟明西乞白乙使出

師於東門之外

**孟**明百里**孟**明視西乞西乞術白

乙白乙丙

**孟**明至乙丙。正義曰世族譜以百里**孟**明視為百里奚之子則姓百里名

視字**孟**明也古人之言名字者皆先字後名而連言之其術丙必是名西乞白乙或字或氏不可明也譜云或以為西乞術白乙丙為蹇叔子案傳稱蹇叔之子與師言其在師中而已若是西乞白乙則為將帥不得云與也或說**蹇**叔哭之曰**孟子**吾見師之出而必妄記異聞耳

不見其入也公使謂之曰爾何知中壽

**中**壽。正義曰上壽

百二十歲中壽百下壽八十

**爾**墓之木拱矣

合手曰拱言其過

老悖不可用

**孟子**本或作**孟**今壽音授又如字拱九勇反

**蹇**叔之子與師

哭而送之曰晉人禦師必於殺

**殺**在弘農澠池縣

西。殺本又作嶠戶交反劉昌宗音豪澠縣善反又縣忍反與芋恕反

**殺**在二陵焉

大阜曰陵

**陸**大陸曰阜大阜曰陵正義曰釋地云高平曰

王地豐正名為陸大陸謂土地高大名曰阜阜最高大為陵

其南陵夏后皋之墓

也

**皋**夏桀之祖父

同皋古刀反

**皋**夏桀之祖父。正義

曰夏本紀文桀父名發桀名履癸

其北陵文王之所辟風雨也


道在二殺之間南谷中谷深委曲兩山相欽故可以

辟風雨古道由此魏武帝西討巴漢惡其險而更開

北山高道

○辟音避谷古木反又音欲嶽許金反又音欽本或作嵐力舍反惡鳥路反

此道至高道。正義曰此道見在殺是山名俗呼為土殺石殺其阨道在兩殺之間山高而曲兩山參




差相映其下雨所不及故可以辟風雨也公羊傳曰蹇叔送其子而戒之曰爾即死必於殽之嶽巖是文王之所辟風雨者也此註言兩山相嶽故可以辟風雨者杜氏此言或取公羊之意嶽字蓋從山但嶽巖是山之貌而云相嶽文亦不順未能審杜意也何休云其處險阻隘勢一人可要百故文王過之驅馳常若辟風雨必死是間以其深險故余收爾骨焉秦師遂

東國為明年晉敗秦于殽傳偽反為于

經三十有三年春王二月秦人入滑滅而書入不能有其地

齊侯使國歸父來聘

夏四月辛巳晉人及姜戎敗秦師于殽晉侯諱背喪



用兵故通以賤者告姜戎姜姓之戎居晉南鄙戎子

駒支之先也晉人角之諸戎犄之不同陳故言及背

音佩犄居綺疏晉侯至言及正義曰杜以諸侯反陳直觀反之貶不至稱人故知諱在喪用兵以

賤者告也襄十四年傳戎子駒支自陳此事云謂我諸戎四嶽之裔胄且此云姜戎知是姜姓之戎也角

之犄之皆彼傳文耳彼云晉禦其上戎亢其下是不同陳故言及也諸戰之陳共用師不言及者皆同陳也

癸巳葬晉文公

狄侵齊

公伐邾取訾婁

春秋左傳卷之二十一 晉人敗狄于箕

秋公子遂帥師伐邾

太原陽邑縣南有箕城卻缺稱人者

未為卿

○訾子斯反

**疏**

太原至為卿。正義曰劉炫云案傳晉侯親兵先軫死敵則將帥

非卻缺也而稱人者晉諱而以微人告今知不然者以戰于穀文公未葬故諱其背殯用兵此則文公既葬之後於禮得從戎事又敗狄有功又何恥諱而以微者告故杜云卻缺稱人未為卿劉以晉侯稱人同於穀諱而規杜氏非也

冬十月公如齊十有二月公至自齊

乙巳公薨于小寢

**注**

小寢內寢也乙巳十一月十二日

經書十二月誤

隕霜不殺草李梅實

**注**

無傳書時失也周十二月今九

月霜當微而重重而不能殺草所以為災

○隕于敏反

**注**

**注**書時至為災。正義曰此在十二月下杜以長歷校之乙巳是十一月十二日謂經十二月為誤遂以此經四事皆為十一月夏之九月霜不應重重又不能殺草所以為災也此云隕霜不殺草定元年冬十月隕霜殺菽穀梁傳曰未可以殺而殺舉重可殺而不殺舉輕其意言菽重草輕也

晉人陳人鄭人伐許

傳三十三年春秦師過周北門左右免胄而下

**注**王

城之北門胄兜鍪兵車非大將御者在中故左右下

御不下

○胄直救反兜丁侯反

**注**


王城至不下。正義曰成二年傳

春秋左傳

卷之二十一

經書

釋晉解張御卻克鄭丘緩為右張侯曰矢貫予手及肘左輪朱殷傷手而血染左輪是御者在左大將居中宣十二年傳稱楚許伯御樂伯攝叔為右樂伯云左射以莢是射在左而御在中也鄭玄詩箋云兵車之法左人持弓右人持矛  
 中人御車故左右下御不下  
**超乘者三百乘王孫滿尚幼觀之言於王曰秦師輕而無禮必敗**  
謂過天子門不卷甲束兵超乘示勇  
○乘繩證反下及註皆同輕遣政反下同  
謂過至示勇。正義曰服虔云無禮謂過天子門不卷甲束兵而但免胄呂氏春秋說此事云師行過周王孫滿曰過天子之城宜褰甲束兵左右皆不然則過天子門當卷甲束兵必古有此禮或出司馬兵法其書既亡  
**輕則寡謀無禮則脫**  
脫易也。○脫他未見其本  
**以鼓入險而脫又不能謀能無敗乎及滑鄭商人弦**



**高將市於周遇之以乘韋先牛十二犒師**  
商行賈也乘四韋先韋乃入牛古者將獻遺於人必有以先之  
○先悉薦反註有以先之同  
犒若報反賈音古遺唯季反  
正義曰周禮太宰以九職任萬民六曰商賈阜通貨賄鄭玄云行曰商處曰賈易云商旅不行是商行賈坐而言行賈者相形以曉人也乘車必駕四馬因以乘為四名禮言乘矢謂四矢此言乘韋謂四韋也遺人之物必以輕先重後故先韋乃入牛老子云雖有拱璧以先四曰寡馬不如坐進此道是古者將獻饋必有以先之  
**曰寡君聞吾子將步師出於敝邑敢犒從者不腆敝邑為從者之淹居則具一日之積**  
腆厚也淹久也積芻

**米菜薪**  
○步師步猶行也從才用反下同腆他典反為于偽反下為吾子同積子賜反註同

禮大行人云王待諸侯之禮上公五積侯伯四積子男三積積皆謂米禾芻薪知此亦然案掌客上公五積皆視餐牽鄭註云餐牽謂牽牲以往不殺也亦有米禾芻薪鄭又註云上公餐五牢米二十車禾三十車侯伯四牢米禾皆二十車子男三牢米十車禾二十車芻薪皆倍其禾積既得餐則米禾芻薪與餐同行則備一夕之衛且使遽告于鄭國遽傳車國遽傳也孫炎曰傳車驛馬也鄭穆公使視客館國視秦三大夫之舍則束載厲兵秣馬矣國嚴兵待秦師使皇武子辭焉曰吾子淹久於敝邑唯是脯資餼牽竭矣國資糧也生曰餼牽謂牛羊豕國餼許氣反牲腥國資糧至羊豕國正義曰餼牲生曰牽國曰聘禮歸餐饗餼五牢



任一牢腥二牢餼二牢以飪是熟肉腥是生肉知餼是未殺故云生曰餼牛羊豕可牽行故云牽謂牛羊豕也為吾子之將行也國示知其情鄭之有原圃猶秦

之有具囿也國原圃具囿皆囿名國原圃國具囿皆

囿名。正義曰下註云中牟縣西有圃田澤則原圃地名以其地為圃知與具囿皆囿名也囿者所以養禽獸故令自取其麋鹿焉天子曰苑諸侯曰囿吾子取其麋鹿以間敝邑若

何國使秦戌自取麋鹿以為行資令敝邑得閒暇若

何猶如何滎陽中牟縣西有圃田澤國麋亡悲反閒音閑註同令力

呈杞子奔齊逢孫楊孫奔宋孟明日鄭有備矣不可

冀也攻之不克圍之不繼吾其還也滅滑而還○齊

國莊子來聘自郊勞至于贈賄禮成而加之以敏

迎來曰郊勞送去曰贈賄敏審當於事○勞力報反

反當丁浪近郊君使卿朝服用束帛勞及聘事皆

如覲幣是來有郊勞去有贈賄也臧文仲言於公曰

國子為政齊猶有禮君其朝焉臣聞之服於有禮社

稷之衛也○為公如齊傳晉原軫曰秦違蹇叔而

以貪勤民天奉我也○奉與也奉不可

失敵不可縱縱敵患生違天不祥必伐秦師樂枝曰

未報秦施而伐其師其為死君乎○言以君死故忘

秦施○縱子用反下同先軫曰秦不哀吾喪而伐

吾同姓秦則無禮何施之為○言秦以無禮加已施

不足顧吾聞之一日縱敵數世之患也謀及子孫可

謂死君乎○言不可謂背君遂發命遽興

姜戎子墨衰經○晉文公未葬故襄公稱子以凶服

從戎故墨之○衰七雷反梁弘御戎萊駒為右○萊

○夏四月辛巳敗秦師于殽獲百里孟明視西乞術

白乙丙以歸遂墨以葬文公晉於是始墨○後遂常

以為俗記禮所由變文羸請三帥○文羸晉文公始

適秦秦穆公所妻夫人襄公嫡母三帥孟明等

○贏音盈

帥所類反註同妻七計反嫡丁歷反

曰彼實搆吾二君寡君若得而食

之不厭君何辱討焉使歸就戮于秦以逞寡君之志

若何公許之先軫朝問秦囚公曰夫人請之吾舍之

矣先軫怒曰武夫力而拘諸原婦人暫而免諸國

暫猶卒也

○厭於豔反又於鹽反戮音六逞敕領反拘音俱卒寸忽反

墮軍實而

長寇讎亡無日矣

墮毀也○墮許規反長丁丈反

不顧而唾

公使陽處父追之及諸河則在舟中矣釋左驂以公

命贈孟明

欲使還拜謝因而執之○唾他臥反

孟驂七南反

明稽首曰君之惠不以纍臣纍鼓

纍囚繫也殺人

以血塗鼓謂之纍鼓

○纍力追反纍計覲反

使歸就戮于秦寡

君之以爲戮死且不朽若從君惠而免之三年將拜

君賜

意欲報伐晉秦伯素服郊次

待之於郊鄉

師而哭曰孤違蹇叔以辱二三子孤之罪也不替孟

明孤之過也大夫何罪且吾不以一眚掩大德

眚音

過也

○鄉許亮反替他計反眚所景反掩於檢反

狄侵齊因晉喪也○公

伐邾取訾婁以報升陘之役

在二十二年邾人不

設備秋襄仲復伐邾

魯亦因晉喪以陵小國

○復扶又

反○狄伐晉及箕八月戊子晉侯敗狄于箕卻缺獲

白狄子音基白狄狄別種也故西河郡有白部胡

種章音基卻缺獲白狄子○正義曰宣十五年晉師滅

勇反音基赤狄潞氏以潞子嬰兒歸彼書於經而此不

書者蓋畧賤先軫曰匹夫逞志於君音基謂不顧而唾

而無討敢不自討乎免胄入狄師死焉狄人歸其元

元首面如生音基言其有異於人初曰季使過冀見

冀缺耨其妻饁之音基曰季胥臣也冀晉邑耨鋤也野

饋曰饁音基○曰其九反使所吏反過古禾反又古臥反

耨乃豆反鉏田也饁于輒反字林于劫反鋤

本又作鉏仕居反音基白季至曰饁○正義曰世本

饋其位反餉也音基云垂作耨釋器云斲斷謂之定

李巡曰鋤也廣雅云定謂之耨呂氏春秋云耨柄尺

此其度也其耨六寸所以間稼也高誘註云耨耘苗

也六寸所以入苗間也釋名云耨鋤嫗嫗

禾也釋詁云饁饋也孫炎曰饁野之饋也敬相待如

賓與之歸言諸文公曰敬德之聚也能敬必有德德

以治民君請用之臣聞之出門如賓音基如見大賓承


事如祭音基常謹敬也仁之則也公曰其父有罪可乎

音基缺父冀芮欲弑文公在二十四年○芮如銳反弑

對曰舜之罪也殛鯀其舉也興禹音基禹鯀子○殛紀

也鯀古本音基管敬仲桓之賊也實相以濟康誥曰父不

慈子不祗兄不友弟不共不相及也音基康誥周書祗



敬也

○實相息亮反不共音恭

**疏**

康誥至及也。正義曰此雖言

誥之全文也彼云子弗祗服厥父事大傷厥考心于

父不能字厥子乃疾厥子于弟弗念天顯乃弗克恭

厥兄兄亦不念鞠子哀大不友于弟曰乃其速由文

王作罰刑茲無赦其意言不慈不祗不友不恭各用

文王之法刑之不是罪子又罪父刑弟復刑兄是其不相及也

**詩曰采葑采菲無以下體君取節焉可也**

**註**詩國風也葑菲之菜上善下

惡食之者不以其惡而棄其善言可取其善節

○葑反非芳也非芴也釋草云須葑孫炎曰須一名葑

鄭玄坊記註云葑蔓菁也釋草又云菲芴也孫炎曰

蓄類也陸璣毛詩義疏云葑蔓菁幽州人或謂之芥

也菲似蓄莖龕葉厚而長有毛三月中蒸煮為茹滑

美又可以為羹是也此二菜其根有惡詩故云上善

取善節也

**文公以為下軍大夫反自箕襄公以三**

**命命先且居將中軍**

**註**且居先軫之子其父死敵故

進之

○且子徐反

將子匡反

父在之時已將上軍以父死敵

故進

**以再命命先茅之縣賞胥臣曰舉卻缺子之功**

**也**

**註**先茅絕後故取其縣以賞胥臣以一命命卻缺

為卿復與之冀

**註**還其父故邑

○復扶又反又音服

**亦未有軍**

**行**

**註**雖登卿位未有軍列

○行戶剛反

**冬公如齊朝且**

**弔有狄師也反薨于小寢即安也**

**註**小寢夫人寢也

譏公就所安不終于路寢

**○晉陳鄭伐許討其貳於**

楚也楚令尹子上侵陳蔡陳蔡成遂伐鄭將納公子

瑕註三十一年瑕奔楚門于桔秩之門瑕覆于周氏

之汪註車傾覆池水中○桔戶結反秩大結反覆外

僕髡屯禽之以獻註殺瑕以獻鄭伯○髡苦門反文

夫人斂而葬之鄆城之下註鄭文公夫人也鄆城故

鄆國在滎陽密縣東北傳言穆公所以遂有國○斂

反鄆古外反○晉陽處父侵蔡楚子上救之與晉師夾泝

而軍註泝水出魯陽縣東經襄城定陵入汝○夾古

音古協反泝音雉又直里反又徒死反陽子患之使謂子上曰吾聞之

文不犯順武不違敵子若欲戰則吾退舍子濟而陳

註欲辟楚使渡成陳而後戰○陳直觀遲速唯命不

然紓我註紓緩也○紓音舒一老師費財亦無益也

註師久為老○費芳乃駕以待子上欲涉大孫伯曰

不可晉人無信半涉而薄我悔敗何及不如紓之乃

退舍註楚退欲使晉渡陽子宣言曰楚師遁矣遂歸

楚師亦歸大子商臣譖子上曰受晉賂而辟之楚之

恥也罪莫大焉王殺子上註商臣怨子上止王立已

故譖之○遁徒○葬僖公註文公元年經書四月

葬僖公僖公實以今年十一月薨并閏七月乃葬故傳云緩自此以下遂因說作主祭祀之事文相次也

皆當次在經葬僖公下今在此簡編倒錯

○編必連反又布于

反倒丁

**正**

文公至倒錯。正義曰經書十二月下云乙巳公薨杜以長歷推之十一月十二

日有乙巳乙巳非十二月文元年傳曰於是閏三月非禮也故至四月并閏爲七月禮當五月而葬今乃七月始葬故傳曰緩也左氏爲傳凡有譏者皆先言所譏乃復述其事自此以下不論葬緩既言葬之緩遂因說作主祭祀之事皆事與葬連故文相次耳僖公葬在明年而此年有傳知其當在明年經葬僖公下今在此者簡編倒錯故爾杜以此年空說葬事而其上無經文元年空舉經而其下無傳故謂此年之傳當在彼經之下於理誠爲順序於文失於重疊此云葬僖公彼又云葬僖公重生文者亦既錯謬必乖

其本或可編絕之處三字分簡彼有葬無公此有公無葬後人竝添足之致使彼此共剩一文耳若其不然不知所

**作主非禮也**

文二年乃作主遂因葬文

通譏之凡君薨卒哭而祔祔而作主特祀於主

**既**

葬反虞則免喪故曰卒哭哭止也以新死者之神祔

之於祖尸柩已遠孝子思慕故造木主立几筵焉特

用喪禮祭祀於寢不同之於宗廟言凡君者謂諸侯

以上不通於卿大夫

音附

**烝嘗禘於廟**

**既**

冬祭曰烝

秋祭曰嘗新主既立特祀於寢則宗廟四時常祀自


如舊也三年禮畢又大禘乃皆同於吉

○烝之承反禘大計反

**疏**凡君至於廟。正義曰釋例云此諸侯之禮故稱君君既葬反虞則免喪故曰卒哭哭止也以新死者之神附之於祖尸柩既已遠矣神形又不可得而見矣孝子之思彌篤徬徨求索不知所至故造木主立几筵特用喪禮祭祀於寢不同之於宗廟宗廟則復用四時烝嘗之禮也三年喪畢致新死者之主以進於廟廟之遠主當遷入祧於是乃大祭於太廟以審定昭穆謂之禘此皆自諸侯上達天子之制也其意與此註同文小詳耳劉炫云既言作主非禮因言作主祭祀吉凶之節凡諸侯之薨葬日而虞從是以後間日一虞七虞之後明日而為卒哭之祭卒哭之明日而作祔祭以新死之神附於祖父於此祔祭而作木主以依神其主在寢特用喪禮祭祀於在寢之主其四時常祭祔祀烝嘗及三年喪畢為大祀禘祭並行之於廟正禮當如是耳今以葬僖公後積月始作僖公木主是作主太緩故為非禮也。○**國**既葬至大夫。正義曰檀弓曰既封有司以几筵舍奠於墓左反日中而虞葬日虞弗忍一日離也雜記曰士

三虞大夫五諸侯七士虞記曰始虞用柔日再虞皆如初三虞卒哭用剛日如士虞之禮諸侯七虞其六虞用柔日最後虞改用剛日間一日乃卒哭卒哭亦用剛日則諸侯卒哭在葬後十四日也然始免喪與葬不得相遠共在一月之內故杜每云既葬卒哭衰麻除是其不甚相遠然喪事先遠日則葬在月半之後葬後行虞虞後卒哭所以得同月者但卜葬雖先遠日但葬是喪之大事又有虞祔之祭當應及早為之使得容其虞祔禮云喪事先遠日謂練祥禫除之屬晉平公之喪大夫欲見新君王與文伯宴樽以魯壺皆是既葬之後未卒哭之前雜記曰天子七月而葬九月而卒哭諸侯五月而葬七月而卒哭釋例云禮記後人所作不與春秋同是也虞九虞杜所不用或云杜亦同之解云此註言虞則免喪者謂七虞皆畢乃免喪免喪後日為卒哭也理亦通耳檀弓曰葬日虞是日也以虞易奠卒哭曰成事是日也以吉祭易喪祭是葬前奠而不祭至虞乃為喪祭卒哭乃為吉祭也自初死至於卒哭晝夜哭無時謂之卒哭者

卒此無時之哭自此以後唯朝夕哭耳天子諸侯則於此除喪全不復哭也檀弓於卒哭之下云明日祔於祖父士虞記亦云卒哭明日以其班祔是以新死之神祔之於祖也於此之時葬已多日尸柩既已遠矣孝子思慕彌篤彷徨不知所至故造木主立几筵以依神也作主置之於寢特用喪祭之禮祭之於寢不同祭之於宗廟也大夫以下不得稱君此言凡君者謂諸侯以上耳不得通於卿大夫也文二年公羊傳曰主者曷用虞主用桑練主用栗鄭玄註禮用公羊之說以爲虞已有主此傳稱祔而作主者虞而作主禮本無文不可以公羊而疑左氏也○**圖**冬祭至於吉○正義曰周禮禮記諸文皆有之也新主既特祀於寢而其餘宗廟四時常祀自如舊不廢也三年喪畢新主入廟廟之遠主當遷入祧乃爲大祭於太廟以審昭穆謂之爲祔於是新死者乃得同於吉也釋例曰舊說以爲諸侯喪三年之後乃烝嘗按傳襄公十五年冬十二月晉侯周卒十六年春葬晉悼公改服修官烝于曲沃會于溴梁其冬穆叔如晉且言



齊故晉人答以寡君之未祔祀其後晉人徵朝于鄭鄭公孫僑云溴梁之明年公孫夏從寡君以朝于君見於嘗酌與執膳焉此皆春秋之明證也是言知諸侯卒哭以後時祭不廢之事也釋例又曰凡三年喪畢而後祔於是遂以三年爲節仍計除喪卽吉之月十日而後行事無復常月也是以經書祔及大事傳唯見莊公之速他無非時之譏也如例所言除喪卽吉祔遂以三年爲常則新君卽位二年而祔五年又祔八年又祔僖八年祔于太廟宣八年有事于太廟定八年從祀先公皆得三年之常期也按元年夫人姜氏薨當以三年喪畢而祔再經三年則九年乃可祔耳而得八年祔者哀姜喪畢不爲作祔八年因祔祭乃致之故計閔公之喪數之耳昭十五年有事于武宮計非祔年而爲祔者釋例曰祔于太廟禮之常也各於其宮時之爲也雖非三年大祭而書祔用祔禮也昭二十五年傳曰將祔於襄公亦其義也三年之祔自國之常常事不書故雖書此數事祭雖得常亦記仲遂反弓之非常也如**此**言昭十五年雖非

禘年用禘禮故稱禘也鄭玄解禮三年一祫五年一禘杜解左傳都不言祫者以左傳無祫語則祫禘正是一祭故杜以審諦昭穆謂之為禘明其更無祫也古禮多亡未知孰是且使禮傳各從其家而為之說耳劉炫云以正經無祫文也唯禮記毛詩有祫字耳釋天云禘大祭也則祭無祫禘者若祫大於禘禘焉得稱大乎

春秋左傳註疏卷第十七 終

春秋左傳註疏卷第十八 文元年 盡四年

晉杜氏註

唐孔穎達疏

文公。陸曰文公名興僖公子母聲姜諡法茲惠愛民曰文忠信接禮曰文 正義曰魯世家

文公名興僖公之子夫人聲姜所生以襄王二十六年即位諡法慈惠愛民曰文是歲歲在降婁

經元年春王正月公即位 無傳先君未葬而公即位

不可曠年無君 禮既葬成君先君雖則未葬既踰

年矣而君即位者不可曠年無君故也即位必於歲首若歲首不行此禮餘月不得行之便是曠年無君